


B. N. C.
FIRENZE
1055
9



1055



9



SANCTISSIMI D. N. DOMINI
CLEMENTIS

Divinâ Providentiâ
PAPÆ XI.

Extinctio, & ablatio præsentis Apostolicæ
in Regno Siciliæ Legationis,
& Monarchiæ nuncupatæ,

*Ejusque Tribunalis, Judicis, Ministrorum,
& Officialium quorumcumque.*



R O M Æ, MDCCXV.

Typis Reverendæ Cameræ Apostolicæ.

Stegmann, Typographus, Romæ.

CLEMENS EPISCOPUS

SERVUS SERVORUM DEI

Ad perpetuam rei memoriam.



ROMANUS Pontifex, quem Salvator, & Dominus Noster æqui, bonique supremum Assertorem in terris constituit, ut juxta Propheticum verbum noxia evellat, & destruat, utiliaque plantet, & ædificet, ea interdum, quæ non solum minus legitimis subnixæ titulis, in Ecclesiasticæ Libertatis, atquæ Apostolicæ authoritatis perniciem

invecta esse cognoscit, sed quæ etiam rationabilibus ex causis ab hac Sanctâ Sede aliquandò concessa fuisse non dubitat, ubi rerum experientia ita suadeat, gravioresque causæ, quibus præsertim Ecclesiæ rationibus, animarum salutem, rectoque rerum ordini opportunè consulitur, hoc ipsum exposcant, sapienti consilio abolet, revocat, rescindit, & immutat, ac aliàs desuper Pastoralis sollicitudinis, & providentiæ suæ partes interponit, sicut, omnibus maturæ considerationis trutinâ perpenſis, conspiciat in Domino salubritèr expedire.

Sanè, cum Divinâ ordinatione, Sacrorumque Canonum definitionibus, Ecclesiasticæ, ac Sæcularis Potestatis discreta sint munera, nemo propè est, qui ignoret, gravissimos Viros eximiâ non minus pietate conspicuos, quàm Zelo incorruptæ disciplinæ celebres, sacræque antiquitatis cognitione præclaros, magnas protulisse querelas de eo Regni Siciliæ Tribunali, quod Monarchiam appellant, Sanctæ Romanæ Ecclesiæ Primatui ipsamet sui nominis novitate plurimùm injurioso, in quo scilicet, non sine apertâ Sacrarum Legum violatione, Spiritualia Jura Sanctuarii per Sæcularem Potestatem administrari noverant, sprætentæque Pontificiæ Legationis titulo acerbissima Apostolicæ Sedis authoritati vulnèra infligi deplorabant. Ut talem proindè, ac tantam Ecclesiasticæ Jurisdictionis perturbationem, quantum in ipsis erat, funditis everterent, luculentis commentariis primò quidem planum facere studuerunt, non obscuris indiciiis depre-

hendi, Privilegium illud, quo Sæculares Ministri Monarchiam Siculam suffultam esse contendunt, quodque dudum Rogerio Siciliae Comiti à fel. recor. Urbano Papà Secundo Prædecessore nostro concessum ferunt, vel omnino fictum, ac commentitium esse, vel saltè in signis alicujus Veteratoris fraude corruptum, ac depravatam. Nullum deinde in eo, licèt verum esset, ac minime vitiatum, supradictæ Monarchiæ vestigium reperiri, sed pravos potius plerosque illius Tribunalis usus ipsismet allati Privilegii verbis coerceri declararunt; cùm nullam per hujusmodi Privilegium eidem Rogerio Comiti Ecclesiastici Juris dicendi facultatem tributam fuisse contenderent, sed filialis auxilii partes dumtaxat demandatas, ut Apostolicas Ordinationes pro suâ in Ecclesiam reverentiâ exequeretur.

Addiderunt præterea, tametsi decantatam illam Apostolicæ Legationis potestatem, ac Monarchiam, memorato Rogerio Comiti, atquè ejus filio Simoni, sive alteri, qui legitimus illius hæres extitisset, idem Urbanus Prædecessor concessisset, imò etiam ad alios ipsius hæredes, quod falsum omnino censuerunt, extendisset, nunquam profectò illam ad omnes promiscuè Siciliae Reges propagari potuisse, aut ita cum temporalibus Juribus Regni coalescere, ut in quamdam veluti Sæcularis Imperii prærogativam evaderet. Ad hæc pluribus documentis probarunt prædicti Urbani Prædecessoris Privilegium, siquod unquam concessum fuisset, etiam cum eâ potestatis amplitudine, quam Monarchiæ Magistratus temerè arripuerunt, [quod tamen illi sine gravi ipsius Urbani Prædecessoris, acerrimi Ecclesiasticorum Jurium, ac fortissimi vindicis injuriâ nequaquam dici posse constantèr asseriebant,] abrogatum postea fuisse iteratis plurium Romanorum Pontificum etiam Prædecessorum nostrorum Literis, ac Decretis, quibus nullo obstante Rescripto, quod ab eadem Apostolicâ Sede fuisset impetratum, Romanæ Ecclesiæ Jura etiam quoad Legationes, & appellationes in Regno prædicto restituta fuerunt; ipsi Siciliae Regibus subortos contra Ecclesiasticam Immunitatem abusus palàm desertantibus, atque ejurantibus. Postremò, quoniam optima Legum, ac Privilegiorum interpretis est consuetudo, hujus etiam plurimis Testimoniis Monarchiam præfatam improbare non omiserunt; recensentes scilicet frequentissimas, post ejusdem Urbani Prædecessoris tempora, Apostolicas in Siciliam missas Legationes, delatas ad Sedem prædictam appellationes, aliosque in Siculorum causis Pontificiæ authoritatis editos actus, quibus asserta memoratæ Monarchiæ Privilegia coherere minimè poterant. Mirandum idcirco sibi videri, quo pacto nonnisi post plurimum Sæculorum silentium emergere potuerint, & confectum ad tantam amplitudinem progredi prætenstæ Legationis facultates, qua-

qua-

quarum diploma superiores Sicilię Reges nunquam produxerint, iis præsertim in controversiis, in quibus illud maximo usui rebus suis fuissent habituri. Hæc omnia neque illustrium Scriptorum autoritate, nec pluribus historiarum monumentis, nec valido demum argumentorum robore destituta esse Majores nostri probè agnoverunt. Maluit nihilominus hucusque Apostolica Sedes de Catholicorum Principum Religione confisa, à Sicularum Regum pietate, quos paternis identidem monitis ad id horrari, atque excitare non prætermisit, optatam, atque integram Ecclesię libertatem præstolari, quàm posita ad radicem securi inuectæ servitutis causas, quas tamen interea nunquam approbavit, imò sæpius reprobavit, excindere.

Cum autem ex diuturnâ patientiâ adeò in dies ingravescere, ac præsertim ab aliquot annis in tantum Apostolicę Potestatis contemptum grassari malum perrexerit, ut in eos novissimè abusus eruperit, qui nimium omnibus innotescunt, apertèque patefaciunt, ultra visibile illud Ecclesię, quod à Fidelibus unicum colitur, novum aliud, ac verò monstrum in Regno Sicilię ostentari Caput, eidem Ecclesię superinductum, à quo scilicet per summam, ac intolerabilem temeritatem, vero Ecclesię Capiti, ac Jesu Christi Vicario, quæ in festis signis bellum palam indicitur, dum ab eo nostra, atque hujus Sanctę Sedis Mandata rescinduntur: Literę, ac Rescripta contemnuntur: Censurę revocantur; illi insuper, qui Nobis, ac Sedi prædictę debitam obedientiam exhibent, Exilii, Carceris, bonorum interemptionis, aliisque gravioribus pœnis severè plectuntur; ii demum, qui illam et ligandi, atque solvendi Potestate, quam per Beatum Petrum, ejusque Successores à Domino accepimus, ligati à Nobis sunt, nefariè solvuntur: aliique contra, qui à Nobis soluti sunt, impudentissimè ligantur. Explorati verò, ac comperti juris sit, invalescentibus corruptelis, etiam certissima ipsa ab eadem Sede concessa; ac sæpius confirmata Privilegia omnino deleri, atque abrogari posse, imò etiam debere: cum legum omnium judicio Privilegium mereatur amittere, qui permisi sibi abutitur potestate, nec unquam sit inexcusabilior abusus, quàm cum is, qui Privilegium accepit, adversus eum, qui illud concessit, insurgit, ejusque jussionibus pertinaciter obistere non veretur: meritò propterea rec. mem. Alexandro Papa III. etiam Prædecessore nostro quibusdam Archiepiscopis, & Episcopis scribente: *Pro certo sciatis, quod Nos concessa Vobis privilegia decursabimus, cum Ecclesię Romanę scriptis authenticis obviare minimè timeatis.* Hinc est, quod Nos, pro commissi Nobis divinitus Pastoralis muneris debito, iacriticare sacrificium justitię, & Ecclesię Dei jura, ac libertatem, nec non hujus Sanctę Sedis auctoritatem, dignitatemque constanter, ac viri-

Cap. Dilecti
Sicilię - de
Privilegiis.

liter propugnare parati, nihil profectò de Nobis, sed omnia de eo præsumentes, qui Nos confortat, & operatur in Nobis, exurgere tandem in Domino, atque ut iudicium nostrum de vultu illius prodeat, divinâ ejus ope enixis tam nostris, quam aliorum precibus, humiliter prius imploratâ, abominationem desolationis stantem in loco sancto, Apostolicæ districtiōis sarculo radicatus evellere, atque extirpare decrevimus: probè agnoscen-tes liberum jam Nobis non esse diuturniori longanimitate committere, ut Siculæ Monarchiæ privilegiorum obtentu Ecclesiastici Ordinis dignitas penitus collabatur.

Habitâ itaque super præmissis cum particulari Congregatione nonnullorum Venerabilium Fratrum Nostrorum Sanctæ Romanæ Ecclesiæ Cardinalium Immunitati Ecclesiasticæ, & Controversis Jurisdictionalibus præpositorum, necnon quorundam Dilectorum Filiorum Romanæ Curiæ Prælatorum, qui rem maturè discusserunt, longâ, ac diligenti deliberatione: auditisque insuper hac in re quampluribus in Sacerâ Theologiâ Magistris, & in Decretis Doctoribus; qui omnes unanimi voce adversus Monarchiam præfatam ad Nos transiunt, Propheticum illud repetentes: *Succidite arborem*, & *dissepate illam*: Omnium denique, & singulorum, si quæ sint, Privilegiorum, seu Indultorum tam à memoratò Urbânò, quam ab aliis quibuscumque Romanis Pontificibus Prædecessoribus Nostris eidem Monarchiæ, illiusve Tribunali quâviscumque, & quacumque ex causâ concessorum, ac quâviscumque vicibus confirmatorum, nec non quarumcumque, si quæ pariter sint, desuper expeditarum literarum tenores, & datas, ac circumstantias quaslibet præsentibus pro plenè, & sufficientè expressis, & insertis: Personarum verò, in quarum fauorem Privilegia, seu Indulta hujusmodi concessa asseruntur, qualitates, ac dignitates quantumcumque sublimes, & in Laicali Ordine supremas, necnon ejusdem Tribunalis Judicis, Notariorum, Scribarum, Ministrorum, seu Officialium quorumlibet nomina, & cognomina, aliave quæcumque etiam specificam, & inviduam mentionem requirunt pro plenissimè, & exactissimè specificatis habentes: de eorundem Cardinalium consilio pariter, & assensu, ac etiam Motu proprio, & ex certâ scientiâ, & maturâ deliberatione nostris, deque Apostolicæ Potestatis plenitudine: præsentiam Apostolicam Regni Siciliæ Legationem, ac Monarchiam nuncupatam, ejusque assertum Tribunal, unâ cum illius Judicis, Notariorum, Scribarum, Ministrorum, aliorumque Officialium quorumlibet quovis nomine nuncupatorum Dignitatibus, Officiis, & Ministeriis quibuscumque, omnique eorum titulo, essentiâ, ac denominatione, tenore præsentium perpetuò extinguimus, suppressimus, & abolemus; Necnon omnia, & singula

Pri-

14
Privilegia, Facultates, & Indulta, si quæ sint, tam specialia quam generalia illis, & illorum cuilibet à quibuscumque Romanis Pontificibus Prædecessoribus Nostreis ex quacumque causa, ac quoruncumque meritorum intuitu, & contemplatione, seu aliàs quomodolibet concessa, ac pluriès confirmata, & innovata, penitus, & omnino rescindimus, cassamus, delemus, revocamus, & abrogamus. Volentes propterea, ac mandantes, ut illa omnia pro extinctis, suppressis, & abolitis, necnon respectivè rescissis, cassatis, deletis, revocatis, & abrogatis ab universis Christianidelibus perpetuò haberi, ac reputari debeant; adeoque eisdem Christianidelibus, cujuscumque status, gradus, conditionis, qualitatibus, ordinis, præminentie, ac dignitatis, sive Ecclesiasticæ, sive Laicalis, etiam specialem, & individuum expressionem requirentis, existant, harum serie interdicentes, ne aliquid unquam, quod extinctioni, suppressioni, abolitioni, aliisque præmissis directè, vel indirectè, seu aliàs quomodolibet adversetur, facere, moliri, seu attentare quoquo modo audeant, vel præsumant, sub poenâ Excommunicationis latæ sententiæ, per contrascentes absque aliâ declaratione ipso facto incurrendâ, à quâ nemo à quoquam, præterquam à Nobis, seu Romano Pontifice pro tempore existente, nisi in mortis articulo constitutus, absolvi possit.

Cæterum, quia ad præmissa devenimus, non quidem animò avocandi Siculas Causas ad nostrâ hæc Romanæ Curie Tribunalia; licet id cæteroque perspicuis, ac notissimis hujus Sanctæ Sedis juribus inniteretur, priscoque Ecclesiæ mori omnino esset consentaneum, sed eo tantum consilio, ut Sacrosanctæ Dei Ecclesiæ libertatem tueremur: nostram, & hujus Sanctæ Sedis auctoritatem vindicarem; necnon periclitantium animarum salutem pro Pontificiæ sollicitudinis Nostræ debito prospiceremus; idcirco Christianidelium illarum partium, quos verè in visceribus gerimus paternæ charitatis, incommodis, ac dispendiis, quæ eis quomodolibet hinc evenire possent, opportunis mediis, quantum Nobis ex Alto conceditur, occurrere non omitemus: interea verò modum aliquem propediem præscribemus, quo Causæ prædictæ ad Forum Ecclesiasticum pertinentes, etiam abolito Monarchiæ Siculæ Tribunali, de cætero in eodem Regno Siciliæ, & quod caput est, rectè, ac ordine cognosci possint, sineque debita terminari, donec à Nobis, & Sede Apostolicâ prædictâ Nationis Siculæ indemnitati amplioribus grâtiis consulatur.

Decernentes pariter easdem præsentis Literas, & in eis contenta quæcumque, etiam ex eo quod prædicti, & alii quilibet in præmissis interesse habentes, seu habere quomodolibet prætendentes, cujusvis status, gradus, ordinis, præminentie,

tiæ, & dignitatis etiam Regiæ, & Imperialis, existant, illis
 non consenserint, nec ad ea vocati, citati, & auditi, causæ-
 que, propter quas præsentibus emanarint, sufficienter adductæ,
 verificatæ, & justificatæ non fuerint, aut ex aliâ qualibet,
 etiam quantumvis juridicâ, & privilegiatâ causâ, colore,
 prætextu, & capite, etiam in corpore juris clauso, etiam enor-
 mis, enormissimæ, & totalis læsionis, nullo unquam tempo-
 re de subreptionis, vel obreptionis, aut nullitatis vitio, seu
 intentionis nostræ, vel interesse habentium consensus, aliòvè
 quolibet, etiam quantumvis magno, & substantiali, ac in-
 excogitato, & inexcogitabili, individuumque expressionem
 requirente defectu notari, impugnari, infringi, invalidari,
 retractari, in controuersiam vocari, aut ad terminos Juris
 reduci, seu adversus illas aperiitionis oris, restitutionis in in-
 tegrum, aliudvè quodcumque Juris, Facti, vel Gratiæ re-
 medium intentari, vel impetrari, aut impetrato, seu etiam
 motu, scientiâ, & potestatis plenitudine paribus concessio,
 vel emanato, quempiam in Judio, vel extra illud uti, seu
 se juvare ullò modo posse; sed ipsas præsentibus Literas sem-
 per firmas, validas, & efficaces existere, & fore, ac quibus-
 cumque Juris, seu Facti defectibus, qui adversus illas à Sæ-
 culari potissimum Potestate, seu prædicto abolito, & extin-
 cto Monarchiæ Siculæ Tribunali, illorumvè Ministris quibus-
 libet, ad effectum impediendi, seu retardandi earum execu-
 tionem quovis modo, seu ex quavis causâ opponi, seu objici
 possent, minimè refragantibus, suos plenarios, & integros
 effectus sortiri, & obtinere: Easque propterea omnibus, &
 singulis per eandem Sæcularem Potestatem, sive per idem abo-
 litum, ac extinctum Tribunal, eorumque Ministros quoscum-
 que quomodolibet allatis, seu afferendis impedimentis peni-
 tus, & omninò rejectis, ac nequaquam attentis, ab illis,
 ad quos spectat, & pro tempore quodcumque spectabit,
 inviolabiliter, & inconcussè observari: Sicque, & non ali-
 ter in præmissis per quoscumque Judices Ordinarios, & Dele-
 gatos, etiam Causarum Palatii Apostolici Auditores, ac ejus-
 dem Sanctæ Romanæ Ecclesiæ Cardinales, etiam de Latere Le-
 gatos, & præfatæ Sedis Nuncios, aliosvè quoslibet quacum-
 que præminentiam, & potestatem fungentes, & functiones, sub-
 latâ eis, & eorum cuilibet quavis aliter judicandi, & inter-
 pretandi facultate, & autoritate, judicari, & definiri de-
 bere, ac irritum, & inane, si secus super his à quoquam
 quavis autoritate scienter, vel ignoranter contigerit attenta-
 ri. Non obstantibus præmissis, & quatenus opus sit, nostrâ,
 & Cancellariæ Apostolicæ Regulâ de Jure quæsito non tollen-
 do, aliisque Apostolicis, ac in Universalibus, Provinciali-
 bus-

busque, & Synodalibus, Conciliis editis Generalibus, vel Specialibus Constitutionibus, & Ordinationibus, nec non quibusvis, etiam Juramento, confirmatione Apostolica, vel quavis firmitate aliâ roboratis Statutis, & consuetudinibus, ac præscriptionibus, quantumvis longissimis, & immemorabilibus; Privilegiis quoque, Indultis, & Literis Apostolicis, quibuscumque Regnis, Provinciis, ac Personis, etiam Imperiali, Regiâ, aliâve qualibet mundanâ, seu etiam Ecclesiasticâ Dignitate fulgentibus, seu aliis specificâ, & individua mentione dignis à Sede prædictâ ex quacumque causâ, etiam per viam contractus, & remunerationis, sub quibuscumque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, efficacissimis, & insolitis Clausulis, irritantibusque, & aliis Decretis, etiam motu, scientiâ, & potestatis plenitudine paribus, ac consistorialiter, seu aliâs quomodolibet in genere, vel in specie, in contrarium præmissorum concessis, editis, factis, ac pluribus iteratis, & quancumque vicibus approbatis, confirmatis, & innovatis; etiam continentibus, quod excommunicari non possint per Literas Apostolicas non facientes plenam, & expressam, ne de verbo ad verbum, de Privilegiis, & Indultis hujusmodi mentionem. Quibus omnibus, & singulis, etiamsi pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per Clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & formâ in illis traditâ observatâ, exprimerentur, & infererentur, presentibus præ plenâ, & sufficienter expressis, & insertis habentes, illis aliâs in suo robore permanentis, ad præmissorum effectum hac vice dumtaxat specialiter, & expressè derogamus, & derogatum esse volumus, cæterisque contrariis quibuscumque. Cum autem eadem præsentis Literæ in memorato Regno Siciliæ nequeant tutè publicari, ut hætenus experientiâ compertum est, ac Nobis per legitimas probationes satis, superque constat, prout harum serie declaramus; Volumus illas, seu earum exempla, ut ad omnium notitiam deveniant, ad valvas Ecclesiæ Lateranensis, ac Basilicæ Principis Apostolorum, nec non Cancellariæ Apostolicæ, Curieque Generalis in Monte Citatorio, ac in Acie Campi Floræ de Urbe, ut moris est, affigi, & publicari; Sicque publicatas, & affixas, post duos menses à die earum publicationis, & affixionis computandos, omnes, & singulos, quos illæ concernunt, perindè arcere, & afficere, ac si uni-

uni-

unicuique eorum nominatim, & personaliter intimatæ fuissent: Utque ipsarum Literarum transumptis, seu exemplis etiam impressis, manu alicujus Notarii publici subscriptis, & sigillo Personæ in Ecclesiasticâ dignitate constitutæ munitis, eadem prorsus fides tam in Judicio, quàm extrâ illud ubique adhibearur, quæ eisdem præsentibus adhiberetur, si forent exhibitæ, vel ostensæ.

Nulli ergo omnino hominum liceat hanc paginam nostrarum extinctionis, suppressionis, abolitionis, rescissionis, cassationis, deletionis, revocationis, abrogationis, mandati, interdictionis, declarationis, & voluntatis infringere, vel ei ausu temerario contraire; Si quis autem hoc attentate præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud Sanctam Mariam Majorem Anno Incarnationis Dominicæ millesimo septingentesimo decimo quarto, Decimo Kalendas Martij Pontificatus Nostri Anno decimoquinto.

I Card. Prodatarius.

F. Oliverius.

Visa de Curia pro R.P.D. Maferio L. Sergardus.

Loco ✠ Plumbi.

J. Pelucchius.

Registrata in Secretariâ Brevium.

Die, Mense, & Anno, quibus supra, supradictæ Literæ affixæ, & publicatæ fuerunt ad valvas Ecclesiæ S. Ioannis Lateranensis, Basilicæ Principis Apostolorum, Cancellariæ Apostolicæ, Magnæ Curie Innocentianæ Montis Cimatorij, & in alijs locis solitis, & consuetis Urbis per me Thomam de Vnionibus Apost. Curf.

Petrus Romolatus Mag. Curf,

I. Card. Prodativus.

F. O. Prodativus.

I. Card. Prodativus.


F. O. Prodativus.


I. Card. Prodativus.

F. O. Prodativus.

I. Card. Prodativus.

F. O. Prodativus.







C



